

歸還本國中路而宿於是其夜忽逢毒雨三日三夜或生黃毒或生癩毒兩時羣魔染得毒病或生癩病病生深重便大憂苦各自念言我今云何生大憂苦頭面瘡痛以是念言我必當死從身生身從生至生至生大布施生大功德願捨我身得正人身願捨邪智得依正智是諸天魔臨命欲終復在泥黎使大愁煎哀哉我身生何所犯違何經戒而致斯苦於是其中我大慈故即放光明照於十方无边世界一切眾生三塗地獄是諸鬼中莫不照了得見一乘海空寶臺又見海空聽受一乘深寶義味曉諸前身作於惡因生種種意誹謗經典生不信想便發懺悔我今歸命一乘海空无上天尊天中法師海空真士我今歸命无上天尊天中法師海空真士我今歸命无上天尊天中法師海空真士三唱懺已爾時東方有大寶城浮空而來是諸天魔見寶城已病即瘥愈復來詣座聽受說法安心不動即見海空一乘寶藏得見藏已信受一乘海空經典一行一句一字一偈晝夜思惟

一心恭敬是諸天魔即得變身為智慧身爾時地獄空虛无受罪者是時國中諸大賢士各共議言是我國土得三寶力即於時中建大福耶於寶臺前殿後殿四方整界房廊重閣華甍莖葆音聲和合哀婉妙好不能聞見爾時國中或男或女聞其音聲皆發善心讚歎一乘海空寶藏爾時臺中有大明師日日演說一乘海空經典普度眾生若人非人成就種智利益一切於是天尊說經周徧然不動四座賢士國王長者若大若小各得利益俱起作禮奉辭而退

太上一乘海空智藏經卷之五

太上一乘海空智藏經卷之六

持誦品

爾時海空智藏與諸天人真仙童子地仙道士俱起作禮長跪敬奉白天尊言大哀天尊是我今者遊於下方見諸眾生若人非人住於下方煩惱城中是諸天魔野道惡鬼共相惱害不能自安各各愁煎使大怖畏莫知依止云何一乘海空淨戒廣利天人无量眾生令得安樂受持依止清淨妙戒唯願天尊哀愍我等分別演說清淨妙戒普令眾生常住安樂爾時天尊答海空言善哉善哉善男子真人童子汝等應當一心諦聽受持一乘无礙淨戒令得利益當來眾生善男子善女人專心思惟五種淨戒云何為五善男子一者道戒二者聖戒三者真戒四者仙戒五者眾生戒善男子真人童子當當修習是五種行爾時海空白天尊言如是所說五種戒行云何道戒而得流行爾時天尊答海空言善哉善哉善男子所言道戒

1100010101

是一乘經秘密寶藏生種種相行所謂百八十戒三百大戒无戒之戒亦非有戒亦非无戒非非有戒非非无戒亦非常戒亦非斷戒非斷常戒非非斷常戒善男子譬如虛空一切善法因之增長言道戒者亦復如是是諸衆生若得聞見一乘秘密海空寶藏皆生信心應當思惟真道妙戒常樂我淨具足功德无上正法

爾時海空白天尊言云何聖戒得為橋梁天尊答言善哉海空善男子所言聖戒從四民天下仙道士國王長者得聞正法一乘智藏微妙經典皆當愛樂貪求大乘秘密寶藏捨離所愛六親眷屬及所居室金銀珍寶微妙瓔珞香花燈燭伎樂導從及諸奴僕男女大小象馬車乘牛羊雞犬猪豚之屬復作是念居家逼迫猶如牢獄一切煩惱從之而生一切饑餓從之而生於是思惟我等云何從身是生死身是煩惱身是蟲蠢身是餓虎身如是等身受種種惡我等云何應當出家修學无上正真妙道於是發心欲出家時邪魔

異道生大憂苦是諸魔道復當與我興大戰爭我常念言如是我等云何復當與人戰爭是時我等即至道場得見天尊及諸弟子威儀具足諸根寂靜其心柔和清淨寂滅我等衆生即至其所而求出家人於道場著大法

衣既出家已奉持禁戒威儀不缺進止安詳无所觸犯乃至小罪心生怖畏護戒之心猶如金剛復當得聞一乘海空秘密寶藏善男子譬如有人持一漆盤欲度大海爾時海中有一魔賊即從此人乞索漆盤其人聽已思惟念言我今若與必定沒死於是答言今者魔賊汝寧救我漆盤巨得魔賊復言汝若不能全與我者思惠其半是人猶故心存不與魔賊又言汝若不能惠我半者請願與我三分之一是人又言寧當俱死終不與盤魔賊又言唯願大慈哀憐我等施我手寶是人思惟即自念言是我寶者終不與汝魔賊又言若復不能與我寶者我今饑窮衆苦所逼願當濟我如微塵許是人復言然我今日方當度海不知東西近遠云何若當與汝我今身

者大海之難何由得往又恐中路沒水而死恨復何及善男子真人童子護持禁戒亦如彼人護惜漆盤不與魔賊善男子真人童子如是守護微妙淨誠亦復如是魔賊又言汝當信我終不相欺但捨漆盤護持餘盤以是因緣令汝安穩得至彼岸其人爾時應自念

言我今寧沒於大海中終不毀盤魔賊又言汝若不能毀漆盤者可欲汝毀手上真寶以是因緣令汝安穩得到彼岸如是其人亦復不毀魔賊又言汝若不能捨手上寶亦可捨汝身上明珠以是因緣令汝安穩得至彼岸爾時其人亦復不捨爾時魔賊思惟良久反而退於是其人乘漆盤行得到彼岸思惟念言我今行者魔賊來難我執漆盤堅固不捨得到此岸當由我心牢固不捨如是漆盤手寶明珠足下金鐺護持堅固起造成庫安著寶盤善男子海空智藏若有衆生護持海空微妙淨戒堅持牢固亦如其人護持寶盤亦復如是爾時海空白天尊言如是所說真道聖戒微

妙功德不可思議如是功德生種種念修種種行云何真仙受持戒者爾時

天尊答海空言善哉問者善男子若有衆生息世榮祿不作販賣輕秤小手段誑於人因他形勢取人財物田宅倉屋不畜象馬車乘牛羊驪驘雞犬獼猴孔雀鸚鵡童男童女大男大女奴婢僮僕金銀琉璃珠璣等寶悉皆施散進求奉受真人淨戒善男子若有衆生於諸穀米大小麥豆粟稗稻麻生熟食具常以一食未曾再食若行齋食未曾再食若行齋食日至中食常知足不受別請不復雜食五辛薰物悉不食之如是身心无有穢惡常為諸天一切世人恭敬供養尊重讚歎終不捨離若男若女親近聞聽一乘海空微妙寶藏善男子若有衆生不藉羶藏若金若銀七寶金牀雜色編織悉不坐卧靜心不視象馬車乘繒絲妙色鳳凰孔雀鸚鵡等色亦不顧視亦不觀聽吹笛鼓琴箏篳篥篳篥篳篥之聲亦不占相手足面目不作卜筮不作王子不懷諂曲不嫉佞心平等愛念安穩之事善

男子如是真仙微妙淨戒堅持在心遠制衆魔得道真性无有差別曉了分明善男子若有衆生受持淨戒如是諸禁當作是願寧以此身投於火聚深穴長坑終不毀犯如是微妙真人淨誠善男子真人童子復作是願寧

以洋鐵周而纏身終不敢以破戒之身常受信心施主衣服善男子真人童子復作是願寧以此身卧於鐵牀終不敢以破戒之身常受信心施主牀座善男子真人童子復作是願寧以此身受千毒針不敢以破戒之身常受信心施主甘露醫藥善男子真人童子復作是願寧以此身投於鑊湯終不敢以破戒之身常受信心施主房舍屋宇善男子真人童子復作是願寧以身碎如微塵終不敢以破戒之身常受信心禮拜恭敬善男子真人童子復作是願寧以熱鐵鈎其兩目終不染心犯他好色善男子真人童子復作是願寧以熱鐵塞於耳門終不染心聽他音聲善男子真人童子復作是願寧以利刀割其鼻根終不染心貪嗅諸香善男子真人童子復作

是願寧以利刀裂其舌根終不染心貪著美味善男子真人童子復作是願寧以斧刀斬斫其身終不染心貪著諸觸何以故如是因緣能令衆生墮於地獄畜生餓鬼善男子真人童子保護受持如是等戒悉以施行一切

衆生如是因緣欲令衆生護持禁戒得清淨戒微妙具足成就一乘海空之戒善男子真人童子修持一乘清淨戒時即得往於玉清之宮不傾不動不退不散善男子譬如玉京隨風大小亦不能動真人童子受持淨戒住於玉京亦復如是善男子真人童子常以一心脩治一乘清淨戒者住於玉京不傾不動亦復不為諸煩惱內魔之所傾動不為外魔之所墮落何以故真人童子坐道場時騰木樹下雖有天魔不能傾動善男子海空智藏云何衆生清淨戒者是二十戒五戒三戒如是等戒度生死戒是法橋梁捨惡防罪觀法性空亦空不空空故故有我身我今觀身頭足耳目皮肉筋骨脾胃心肝膽腸胃五根等藏大小便利涕唾目淚肪膏腦膜骨

髓膿血悉皆不淨如是觀念誰有是我我為
屬誰住在何處誰屬於我為畜生耶為餓鬼
耶為人耶為草木耶為魚蟲耶復作是念
骨是我耶離骨是耶復作是念骨色異相青
黃白色如是骨相亦復非我何以故我之身
相亦非青黃及白等色我念思惟是我之相
非我之相復作是念如是骨者從因緣生依
因足骨以受我踝依因踝骨以受我跗依因
跗骨以受我膝依因膝骨以受我脛依因脛
骨以受我臑依因臑骨以受我腰依因腰骨
以受我肘依因肘骨以受我肋依因肋骨以
受我項依因項骨以受我頷依因頷骨以受
我齒依因齒骨以受我髑髏復因項骨以受
我肩依因肩骨以受我臂依因臂骨以受我
腕依因腕骨以受我掌依因掌骨以受我指
善男子如是我觀種種依因種種骨相是我
依因是我根柱我當思惟觀此身時所有骨
相一切分離得是觀已即斷諸欲復作是念
我身死生猶如流水亦復非我若識非我或
生或死或復是我或復非我復作是念我是

化生我非化生是四大造非四大造四大之
中何大是我何大非我善男子譬如燈籠隨
風出聲何絃有音何絃無音善男子四大造
我亦復如是是故我身因緣和合猶如幻化
隨聲而有種種形相種種所造汝等衆生應
當一心受持一乘海空寶藏祕索之戒
爾時海空智藏即起于座稽首道前白天尊
言如是所說若有衆生善男善女一心正念
恭敬讚歎受持一乘清淨戒者常念守護如
是之人若有外魔共來亂忽我等門徒令其
斷命絕於外魔如此門徒若墮地獄无有是
處何以故此門人者是我神剛是我力士能
護衆生持受淨戒云何其人墮於地獄爾時
天尊讚海空言善哉善哉善男子如汝所說
我於往昔化生下方作大國王名曰法明常
以受念大乘經典善信心敬无有羸惡嫉妬
之心口常演說愛語善語財物布散貧窮孤
獨勇猛精進无有休息
爾時東方聞有一乘海空智藏微妙經典我
於是時憂愁悲泣不能自止動於國內王后

太子及諸羣臣各共涕泣爾時龍獸麒麟師
子鳳凰孔雀鸚鵡白鶴悉來翔集於是大臣
瞻仰王顏開容明色啓白大王今者云何涕
泣之聲爾時大王答大臣言我聞東方有大
乘經海空寶藏但我王恨不能自往是故憂
愁爾時國中有大長者自生惡念種種誹謗
生不信心啓白王言臣聞一乘海空寶藏是
幻化術但是道家妄造此耳須臾之間爾時
長者身體黃赤臭臭流出髮毛墮落形如錢
鬼項如牛領爾時大王即斷其命以是因緣
不墮地獄善男子擁護攝持一乘寶藏微妙
經典乃有如是威儀神力巍巍堂堂不可思
議善男子衆生住時於三界難有諸病苦云
何為苦生苦病苦死苦怨苦憎苦離苦別苦
是故衆生煩惱障苦隨有生處皆悉食受以
其不見老病死故善男子譬如毒虎口能殺
人脚手亦能三界衆生住於諸有亦復如是
善男子譬如大海彼岸之國多有甘露若有
食者年得三千除諸病苦安穩快樂愚癡之
人貪其味故裝治船舫往彼給取不知海中

有大鱗魚能吞船舫

爾時諸人即發去取不知大魚已吞船舫是故智者不貪彼味令得安穩善男子真人童子不欲貪愛煩惱之味亦復如是善男子真人童子住海空藏觀煩惱苦亦如智人觀於魚船不生歡喜善男子人生老衰常恒快樂貪於愛慾譬如池水蓮花中生開敷鮮華甚可愛樂過天霜電悉皆毀壞善男子人生快樂愛於色慾煩惱逼身墮三塗苦亦復如是譬如折軸无所復用老亦如是不得還少譬如陸龜心常念水善男子亦復如是雖為老容恒憶壯年譬如秋月池中蓮花一切衆人之所樂見而忽萎黃人所棄薄善男子盛年壯色亦復如是悉為一切之所愛樂而忽老容衆人所惡亦復如是善男子譬如甘蔗既被壓已滓无復味善男子壯年興盛亦復如是既被老容无有情欲善男子譬如磨鏡日日常執不離心習善男子人亦如是壯年華整老則衰羸形枯悴常思壯時不離心習善男子真人童子脩行一來海空寶藏觀於

病苦恒有畏怖不安穩念善男子譬如冤家恒有憂愁真人童子亦復如是觀於煩惱恒有憂愁譬如稻莠節蟲即死善男子人亦如是人有人復病難可醫治須臾則死譬如王駕大臣前行王居其後臨至陣敵王臣追逐不能相離善男子真人童子亦復如是隨衆生病不能捨離安樂衆生觀其病苦善男子真人童子脩行大來寶藏經典觀於衆生死壞苦惱如火災起能除一切唯有寶臺力所不至善男子災火起燒滅除一切唯有真人住於大來海空寶藏火不能及亦如水災一切滄沒唯除蓮葉力不及故善男子水沒三界一切衆生悉皆滄沒唯有真人住大來船海空寶藏復次譬如鸚鵡能聲能言鳳凰孔雀悉來翔儔善男子真人童子持此經時一切衆生悉來讚歎亦復如是爾時天尊以慈惠眼照彼地獄衆生餓鬼人及非人各各涕泣哀哉我等生在地獄枷鎖杻械禁繫我身日生日死无有休息爾時萬劫裸形餓鬼自念思惟我爾云何生於苦地我前

當作爲復云何爲誹謗耶爲貪愛耶爲邪見耶爲惡逆耶爾時有一鬮體无形餓鬼思惟我今云何骨肉各處受種種苦日生日死无暫安時我前當作爲復云何爲劫盜耶爲捨他耶我今苦者復有父母爲我獨耶父母兄弟恩愛百親恚在何方作是念已各各涕泣踴臂而止爾時天尊變作牛頭即便告言汝等餓鬼得見天上諸仙人不餓鬼答言實見實見又問餓鬼汝見天上香飯妙味甘露藥不餓鬼答言實見實見爾時牛頭告餓鬼言彼等仙人是汝親弟昔在王家汝爲長兄常行惡逆殺害无度縱情愛慾逼斷他婦情強抑弱噴喘自是弟常慈念施散貧窮樂於山水隱尋道德汝但斷過不與弟同弟得飛仙天給香飯甘露妙味汝爲餓鬼饑渴難忍爾時餓鬼聞是說已各各涕泣聲如雷震隱隱隆隆爾時地獄若男若女若人非人各各舉手仰天擊拳唱言苦哉苦哉於是地獄悉皆停考若男若女各共安坐爾時空中有一仙人告餓鬼等今

4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50

我甘露汝能服不我甘露者能令衆生不饑
不渴不生不死不苦不樂餓鬼吞言饑窮之
急寧能不服

爾時仙人即授甘露餓鬼等輩一人二人十
人百人千人億人无不飽足爾時仙人告餓

鬼言我有妙藥汝能服不是我藥者服令衆
生斷諸苦惱住安樂地於是餓鬼各自答言
千身之苦願爲救拔仙人於是即授一乘海
空淨戒爾時餓鬼得受戒已即得變身化生
端正得了三世善惡之根復次善男子海空
智藏善知无量方便之力化度衆生除苦惱
城善男子譬如良藥能除衆生種種病根善
男子譬如智人善解衆語爲諸衆生作大譯
師善男子譬如真金隨人造作種種瓔珞善
男子海空亦爾常以法教隨諸衆生種種分
別方便演說令諸衆生見无有我无有我故
諸行无常何以故以是因緣諸法无我有我
生者則知无常是諸衆生餓鬼等輩无有一
法不從緣生以是因緣轉輪生死
爾時海空白天尊言云何諸法生无有我若

无有我亦无冤親既无冤親云何餓鬼各共
涕哭爾時

天尊答海空言善男子我今演說諸法无常
无有我者欲令衆生觀於无我亦无有生无
有生故生已滅故如電石光如炎如夢如幻

如化善男子是我身者從父母生父母變已
是我身者亦變无生是故當知一切諸法无
有我者以是因緣悉皆无常善男子冤親餓
鬼從因緣生何以故譬如貨易齋持難實遠
到他國種種貪求忽被賊傷喪其身命善男
子愚癡親色馳行東西不辭日夜忽被毒傷
亦復如是復次譬如官祿恃其氣力抑於百
姓自作无道忽被執繫枷鎖桎梏禁縛其身
形體損瘦如百年病善男子一切衆生恃其
三毒貪行十惡忽被命斷變成餓鬼地獄牛
頭猪楚无寧亦復如是
爾時海空白天尊言如是說者難可思議微
妙上法輪轉周徧乃作如是分別真性譬喻
甚深智慧海空祕密寶藏具足功德利益衆
生度脫一切猶如惠船度生死海爾時

天尊答海空言善哉善哉善男子汝今何故
於一乘中生種種想善男子海空智藏實是
甚深微妙功德不變不異湛然常住猶若虛
空善男子若有衆生計海空藏是我身者我
即常住不壞不敗我即海空海空是我我即

是道道即是我我即天尊天尊是我我即一
乘智慧海空祕密寶藏能說妙法令諸衆生
聽受讚歎是我法輪若有人言我是常住无
有變易云何說言轉大法輪是故汝等應當
說言天尊上人乃能輪轉說大法輪善男子
譬如六根因眼緣色因色思惟因緣和合得
生眼識善男子眼不念言我能生識因色思
惟終不念言我生眼識善男子如是等法因
緣和合是我法輪善男子天尊上人亦復如
是因於六情觀了諸法復因咽喉舌齒脣口
言語音聲說大法輪以是義故終不念言我
轉法輪善男子譬如木火因手因鑽而得生
火木火之生終不念言是手鑽生火亦不言
我能自生善男子天尊上人常轉法輪亦不
生念言我法輪善男子若不生念是則名爲

轉正法輪是轉法輪即名一乘海空寶藏復次善男子昔於彼窳木樹下初說法輪九萬天人俱來觀聽皆發信心樂於法所不起于座

爾時天人即得无上微妙正果吾今於此七寶城內初演一乘海空寶藏復有八百四萬天人住於座所信心不退爾時天人即得四天清淨道果

復次善男子一切天尊凡有說法皆悉名爲轉法輪也何以故譬如聖王所有奇珍是名輪寶是輪寶者能令衆生得安穩城上下迴轉无有怨賊善男子是法如是能運衆生到安樂處无有煩惱善男子汝等於今應當讚言一乘海空智慧寶藏是正法輪功德微妙難可思議

爾時海空白天尊言天尊上人演於此法是大法輪非爲不知所以問者爲欲利益諸衆生故廣了一乘海空智慧秘密法輪非是凡夫下仙學士之所能知爾時天尊答海空言善哉海空善男子汝等已於

住大衆地所行正行所問正問善男子往昔過去我於爾時作衆生身脩行一乘海空法輪悉能通達一切外魔降伏其心不令毀壞悉能受持一乘海空智慧法輪而作念言秘密寶藏一乘法輪微妙功德不可思議我等衆生應當捨其臭形之尸除諸外魔穢氣之身

爾時座中諸天魔王聞是語已即設大齋捨施財寶所愛妻子及居舍宅象馬車乘奴婢僮僕悉皆施散設淨香花種種莊嚴來詣法所懺悔往咎爾時

天尊聞是語已舉手撫几而答魔言善男子一切凡夫不能善攝六根造惡則有煩惱爲惡所牽至不善處善男子譬如惡馬其性剛戾能令乘者至險惡處不能善攝六根造惡亦復如是令人遠離海空善道至諸惡處譬如惡象心未調順有人乘之不隨意去遠離城邑至於林野不能善攝六根造惡亦復如是將人遠離海空寶城至於生死林野之處善男子譬如佞臣教王作惡六根佞臣亦復

如是常教衆生造无量惡善男子譬如惡子不受師長父母教誨无惡不造不調六根亦復如是不順師長善言教勅无惡不造善男子凡夫之人不攝六根常爲地獄畜生餓鬼之所賊害亦如惡盜宮及善人善男子凡夫衆生不攝三毒馳騁五塵譬如牧牛不善守護犯人苗稼凡夫之人不攝三毒常在諸有多受苦惱善男子真人童子修大乘經行大聖道常能善調守制三毒怖畏貪欲瞋恚癡憍慢嫉妬爲得一切諸善法故善男子若人善守此三毒根則能攝心若能攝心則攝三毒善男子譬如有人擁護於身則護國土護國土者則護於身真人童子亦復如是若得聞見一乘海空微妙經典則得智慧得智慧故則得專念六根若散念則能止何以故是念惠故善男子如善牧牛設牛東西散他苗稼則便遮止不令食苗真人童子亦復如是念惠因緣守攝六情不令馳散真人童子有念惠心不見我相不見所相不見衆生及所受用見一切法同法性相生於土石瓦礫

之相譬如屋舍從眾緣生无有定性見諸眾
生四大五陰之所成立推无定性无定性故
輪轉生死真人童子於生死中不生貪著見
諸眾生於煩惱中生煩惱想是故啓請一乘
海空秘密寶藏欲令眾生作種種法作種種
因作大船妨作大法橋善男子譬如畫師以
眾雜彩畫作眾像若男若女若牛若馬凡夫
无知見之則生男女等相畫師了知无有男
女真人童子亦復如是於法異相觀於一相
終不生眾生之相何以故有念惠故真人童
子修行大乘海空寶經於時觀見端正女人
終不生於貪著之心何以故若觀相故善男
子真人童子知於欲想无有歡樂不得暫停
如犬喘骨如人逢火逆風而行如炭毒池夢
中所得別邊藥樹多人所擲亦如段肉眾鳥
競逐如水上泡畫水之跡如織經盡如因趣
市猶如假借勢不得久觀欲知是多諸過惡
善男子真人童子見諸眾生貪著香味音聲
之觸從昔久遠无数劫來常受苦惱一眾
生一劫之中所積身骨如玉京山所飲乳汁

如四海水父母兄弟妻子眷屬命終哭泣所
出目淚多四大海虛空星宿以為等數父母
兄弟亦不能盡无量劫來或在地獄畜生餓
鬼所受苦惱生死无量不可稱計善男子真
人童子深觀如是一切眾生受諸苦惱是故
慈念行生死苦不生爾時善男子譬如世間
有大眾藥方圓三千里爾時大王勅一賢臣
持一蜜瓶經由中過莫令傾覆若失一滴當
斷汝命復遣少剛拔刀在後隨而怖之臣受
王教盡心堅持往經爾所於大眾中雖見大
眾五情欲等心常念言我若施情著彼眾欲
當失所持大王蜜瓶若失王瓶命豈全濟以
是因緣堅固齋持不失一滴善男子真人童
子亦復如是往於煩惱生死之中不失智慧
以不失故雖見五欲心不貪著若見淨色不
生色想唯觀苦相乃至識想亦復如是不作
生相不作滅相不作因相生和合相生智慧
相真人童子住於爾所五根清淨故護持禁
戒一切凡夫五根不淨以不淨故不能護持
具足之戒不能善持真性功德是故真仙童

子常斷是故得无為果常樂自在拔出有為
永斷煩惱具足功德善男子復有離欲童子
常行无上甘露法藏故離於惡煩惱之業云
何為離善男子若有眾生善能修行一乘海
空秘密寶藏書寫受持讀誦講說思惟義味
深越世間生死煩惱以是之故是名離惡何
以故此經能辯三洞七部道化符圖太平等
經善男子譬如明師導諸眾生於眾生中忽
有一人善能思惟信受教勸心不造惡口不
妄言離於家愛捨煩惱身善男子真人童子
亦復如是善能思惟明師教勸一乘海空微
密寶藏亦復如是心不造惡口不妄言善男
子譬如世間有善良藥若有眾生信心服之
盡其年命不為一切惡毒傷惱復有一人唱
說良藥乃至盡命无有眾惡善男子一乘海
空亦復如是是世良藥若有一人善能受持
讀誦講說思惟義味盡其年壽不墮惡道復
有一人唱說一乘海空寶藏即得人天形相
殊特善男子若有眾生善能書寫身手清淨
文字行次如玉清簡必得人天智慧童子立

侍天尊如彼明王形相端嚴善男子一乘海空秘密寶藏有如是等无量功德難可思議若有眾生為他敷演思惟義味當知是人真我弟子善能受持是我教旨是我之所護念如是人能了我相我隨其所住之處若在山林曠野深遠房舍田宅樓閣宮殿我亦在中常住不動我於是所常作受施或作道士靜念思惟或作賢人善能講說一乘海空真道之藏或作貧士詣門乞食云何當今是人得知我於是所受人親施常作變身隨方顯現善男子如是人者居在其中夜中得夢見諸神尊寶蓋說法仙童玉女侍立邊傍或見天人道士真像國王聖主太子王像復見大小山復見江河或見日月或見牛羊象馬車乘或見父母兄弟伯叔齋持七寶金銀

不可思議善男子汝今應當信受我語若有眾生善男善女欲得海空欲見寶相欲得脩習秘密之藏常樂道場除於四魔離煩惱城中得人天樂脩持一乘海空寶藏微妙經典書寫讀誦為他演說思惟義味汝當親近依附誦受供養恭敬尊重讚歎其手足布置床席諸事供給令无所乏若從遠來汝等應當路次奉迎為是經故所重之物應以奉獻何以故如是經典難見難聞汝當一心諦聽受持善男子我念過去未來見在无量无边諸天尊等各共集會爾時眾中有一天尊名曰无形為諸大眾宣說如是一乘海空秘密寶藏我於爾時從善友聞了其義味我當為眾說一乘經海空寶藏

醫處藥應服人眼卿若與之日給其服使當與卿金錢七枚我時聞已心大踴躍歡喜无量即於是時以雙慧眼明月瞳珠現於輪我復語言汝與我錢今以雙眼隨汝所服於是其人即與金錢我當得之便還本座建大齋會供養尊奉然後誠心聽受是經我時聞鈍雖得聞經唯能受持一句一字一乘寶藏受持竟已即便迴還至於病家雖復日日與其惠明常念一乘海空寶藏我身不痛日日不廢足滿月旬以是因緣其病得差我身平復无有瘡痍我於是時即見我身具足端正微妙之相我當思念一乘海空秘密寶藏一句之力尚能如是何況具足受持講說讀誦思惟一乘義味我見此經有如是力如發善心願於當來一切眾生得成仙道學一乘藏微妙經典具足之相善男子以是一句因緣力故令我今日於大眾中為諸天人說一乘藏善男子海空寶藏不可思議利益一切无量无边功德之相如是甚深秘密之義善男子若有眾生善能受持斷離惡根云何為惡

10

惡心惡意惡病惡念如是等惡若能遠離即得增長住於善根善根善思智慧方便以是因緣是名遠離善男子真人童子住煩惱城自觀其身如病如瘡如惡毒箭入其身體如是身體是大苦聚善惡根本以是因緣瞻視於身非為貪身若將養身是餓鬼身是地獄身是生死身善男子譬如猛火燒焚枯木亦如芭蕉達於霜電如電石光如炎如化善男子真人童子住煩惱城觀身具相亦復如是若能遠離生死之身住於海空一乘寶藏即得具足七十二相八十一好微妙之身成就功德為法輪王常當護身何以故若不護身命則不全命若不全則不能得書寫是經受持讀誦廣說義味是故應當護持身命以是義故真人童子遠離諸惡護持身命善男子譬如眾生欲度海水善護船舫得到彼岸真人童子亦復如是爾時海空與諸天人天仙童子聞是語已心大踴躍受持諦聽得其義味俱起作禮各還本國奉辭而退
太上一乘海空智藏經卷之六

太上一乘海空智藏經卷之七

月七

平等品

爾時海空智藏白天尊言是我今日以知小見若諸真人无量童子行道心時修慈悲喜得真法地修捨心時修智慧時行此功德无量劫中復得何法真人童子行此功德能如是知得何等利天尊今者如是之說秘要言語若不取著則不知法則是取著若不取著則无所知云何天尊說言如法而不取著我今眾中不識宗本不了空相不了一切唯願天尊降垂辯釋爾時
天尊答海空智藏言善男子汝善知時知我欲說汝則諮問真人童子修捨心時修智慧時則得无為常住安樂住於真空平等法地不可思議微妙之處如无上道難可譬喻猶如大海如彼虛空善男子真人童子住空平等難勝之地則不見有父母兄弟親族知識姊妹兒息怨憎中人譬如虛空无有父母兄弟乃至无有眾生壽命一切諸法亦復如是其心平等多所利益如彼虛空何以故為行

功德善能修集諸空法故是內法空常樂我淨得无所畏是內法中雖有道性而是道性非外非內非无非有等无二正所以者何真性常住无變易故是名真人是名童子觀於內空內法空故觀一切法本性皆空无常苦樂淨不淨者是名法空以法空故故名空空善男子十方真人一切童子常於是中通達少分猶如微塵何況餘人善男子真人童子觀是空門是空非空則得住於虛空法地善男子我今於大眾中說如是等諸空義時有百千萬真人童子即得住於虛空法地善男子真人童子住是地已於一切法中无有障礙繫縛拘執心无迷悶常得自在清淨解脫以是因緣是名虛空清淨法地善男子海空智藏譬如虛空於可愛色不生貪著不愛色中不生瞋恚真人童子住是地中亦復如是於一切法中示見知行若是若是因緣若果非緣若因若果若是根性若果稍思若是大乘若善知識若持淨戒若多所施如是等法一切知見无上解脫甚深所行智慧第一見